



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration
Operational Center

Broj: 04-40-1-92/20
Sarajevo, 02.04.2020. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 01.04.2020. do 08:30 sati 02.04.2020. godine

U skladu sa ovlaštenjima koje ima prema Zakonu o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), kao i drugim podzakonskim propisima iz oblasti zaštite i spašavanja, te Odluci Vlade Kantona Sarajevo o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, broj: 02-04-7986-1.1/20 od 18.03.2020. godine, Štab civilne zaštite Kantona Sarajevo (u daljnjem tekstu: Štab) je u toku jučerašnjeg dana nastavio sa aktivnostima na provođenju preventivnih mjera na smanjenju opasnosti od širenja zarazne bolesti uzrokovane koronavirusom (COVID-19) na području Kantona Sarajevo.

Danas je održana sjednica Štaba na kojoj je analizirao trenutno stanje na području Kantona Sarajevo uzrokovano koronavirusom (COVID-19), kao i mjere i aktivnosti koje su poduzete od strana Štaba i svih kantonalnih organa uprave, ustanova, institucija i općinskih štabova civilne zaštite na provođenju naredbi nadležnih štabova civilne zaštite.

Štab je posebnu pažnju, posvetio razmatranju naredbe Federalnog štaba civilne zaštite, kojom je naređena prinudna izolacija za svaku osobu koja ne poštuje mjeru izolacije, te zaduženi kantonalni štabovi civilne zaštite da u saradnji sa kantonalnim kriznim štabovima ministarstva zdravstva, kantonalnim ministarstvima unutrašnjih poslova, kantonalnim upravama policije i kantonalnim inspeksijskim organima osiguraju objekte i uslove za prinudnu izolaciju sa potrebnim sanitarnim, zdravstvenim i drugim uslovima boravka osoba koja ne poštuju mjeru izolacije. U cilju realizacije naredbe u zadatom roku, na sjednici je dogovoreno da se u toku sutrašnjeg dana u saradnji sa



navedenim kantonalnim organima, Vladom Kantona Sarajevo i općinskim načelnicima s područja Kantona Sarajevo, treba odlučiti u koji objekat će se smještati osobe kojima bude naređena prinudna izolacija, kako bi se mogle poduzeti aktivnosti na stvaranju neophodnih uslova u tom objektu za boravak osoba koje krše mjeru izolacije.

Članovi Štaba su upoznati da se naredba koja se odnosi na pojačanu dezinfekciju objekata i javnih površina u Kantonu Sarajevo kontinuirano provodi Služba za veterinarske poslove u koordinaciji sa nadležnim kantonalnim ministarstvom i općinskim štabovima civilne zaštite, te da je počela realizacija naredbe vezane za dostavljanje lijekova osobama starijih od 65 godina koje žive same i koje nemaju bližnjeg srodnika da se brine o njima.

Štab, je također, dogovorio mjere i aktivnosti koje se trebaju poduzeti da bi se u što kraćem roku izvršila nabavka odobrenih količina zaštitne opreme i dezinfekcijskih sredstava.

Služba za veterinarske poslove je u toku jučerašnjeg dana bila angažovana na planskoj i sistemskoj dezinfekciji objekata i javnih površina na području Kantonu Sarajevo.

U toku jučerašnjeg dana u skladu sa naredbom Štaba, volonteri općinskih organizacija Crvenog križa su dostavili lijekove na adrese 15 osoba koje su starije od 65 godina i koje nemaju bližnjeg srodnika da se brinu o njima.

Općinski štab civilne zaštite Stari Grad:

U skladu sa vanrednim operativnim planom pranja i dezinfekcije javno-prometnih površina u toku jučerašnjeg dana nastavljene su aktivnosti na pranju i dezinfekciji ulica na području Općine Stari Grad. Volonteri Općinske organizacije Crvenog križa su izvršili četiri dostave lijekova osobama starijim od 65 godina koje nemaju bližnjeg srodnika da se brine o njima.

Općinski štab civilne zaštite Ilidža:

U toku jučerašnjeg dana uposlenici KJKP Rad izvršili su dezinfekciju Migracionog centra u Blažuju. U skladu sa naredbom Štaba izvršena je jedna dostava lijekova osobi starijoj od 65 godina koja nema bližnjeg srodnika da se brine o njoj.

Općinski štab civilne zaštite Hadžići:

Služba za vodosnabdijevanje i asanaciju terena je zbog pojačanog broja migranata u kampu Ušivak, tri puta u toku jučerašnjeg dana dostavila pitku vodu sa cisternom kao dopunu rezervoara u kampu. Općina Hadžići JE Domu zdravlja Hadžići uručila zaštitne maske. Nastavljena je akcija podjele paketa sa osnovnim životnim namirnicama osobama koje su u stanju socijalne potrebe. U skladu sa naredbom Štaba izvršene su tri dostave lijekova osobama starijim od 65 godina koje nemaju bližnjeg srodnika da se brinu o njima.

Općinski štab civilne zaštite je uputio inicijativa Federalnoj upravi civilne zaštite za pojašnjenje naredbe koja se odnosi na zabranu kretanja, odnosno mogućnosti izdavanja potvrda osobama koje imaju potrebu za kretanje kao što je smrtni slučaj.

Općinski štab civilne zaštite Vogošća:

U skladu sa naredbom Općinskog štaba civilne zaštite kontinuirano se provode aktivnosti na nabavci neophodne zaštitne opreme i dezinfekcijskih sredstava. U toku jučerašnjeg dana aktivnosti nekoliko udruženja građana su podijeli devet paketa sa prehrambenim artiklima osobama koje u stanju socijalne potrebe, kao i 100 komada zaštitnih maski građanima i 50 komada zaštitnih maski Domu zdravlja Vogošća. Aktivisti Crvenog križa Vogošća su u toku jučerašnjeg dana dostavili tople obroke na adrese korisnika javne kuhinje Crvenog križa, podijelili 60 komada zaštitnih maski i 100



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1

komada zaštitnih rukavica za korisnike javne kuhinje i ostale građane, te izvršili jednu dostavu lijekova osobi starijoj od 65 godina koja nema bližnjeg srodnika da se brine o njoj.

Od ostalih općinskih štabova civilne zaštite s područja Kantona Sarajevo putem njihovih operativnih centara civilne zaštite smo obavješteni, da kontinuirano rade na provođenju preventivnih mjera zaštite i spašavanja, na čišćenju i pranju ulica, trotoara i drugih javnih površina, kao i dezinfekcija javnih objekata, ulica, trotoara, javnih stepeništa, trgova, javnih parkinga i drugih prostora, kao i na nabavci neophodne zaštite opreme i sredstava.

Kantonalna uprava civilne zaštite Kantona Sarajevo: Pripadnici Kantonalne uprave civilne zaštite Kantona Sarajevo u izvještajnom periodu imali su jednu intervenciju manjeg intenziteta.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila -3°C , relativna vlažnost zraka 72% a barometarski pritisak 941 hPa.

BIHAMK: Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH**, gradski, međugradski i željeznički saobraćaj je obustavljen po naredbi Federalnog Štaba civilne zaštite.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1